

Høyringsuttale frå Meland kyrkjekontor til revidering av retningslinjer for kulturstønad

Vi er positive til endring av søknadsfrist til 15. november.

Vi vil også nytte høve til å kommentere søknadsskjemaet, der vi opplever at ikkje alle spørsmåla passar til vår type arrangement. Dette gjer det vanskeleg å svare, og svare kan verke uklåre.

Tal på medlemmer

Vi har fleire år fått støtte til opne treffstader (Open Møteplass, Språkkafé ol., opne barne- og ungdomstiltak) der folk kan kome innom. Vi har ikkje nokon registrering av kven som er innom (utanom koronaregistrering), det er heller ikkje naturleg på eit slikt tiltak. Vi har berre ei registrering av kor mange som er innom kvar gong. Når skjemaet spør om tal på medlemmer har vi gitt eit overslag over kor mange einskildpersonar som har vore innom. Dei er sjølv sagt ikkje medlemmer i den forstand, men mange av dei er faste besøkjarar. Eit spørsmål om tal på besøk hadde gitt eit meir nøyaktig svar for våre tiltak.

Tal på faste øvingar/treningar/møte per år

Tal på arrangement dette året

Arrangement er det mest treffande omgrepet for oss her. Sidan dette er to forskjellige spørsmål er det litt uklart for oss kva vi det blir spurt etter. Vi har svart kor mange gonger det var ope i fjor på spørsmålet om faste øvingar/treningar/møte, og kor mange gonger det er planlagt å ha ope i år på spørsmålet om arrangement.